

唐

詩

歸

唐詩歸卷第二十八目錄

中唐四

劉禹錫

團扇歌

插田歌

華山歌

客有爲予詔登天

壇遇雨之狀因以賦之

秋江早發

有僧言羅浮寺因

爲詩以寫之

酬湖州崔郎中見

寄

蒙池

西山蘭若試茶歌

晝居池上亭獨吟

登陝州城北樓却寄京都親友

歲夜詠懷

秋中暑退贈樂天

視刀環歌

淮陰行

魏宮詞

无稹

遣春二首

解愁

遣病

苦樂相倚曲

冬白紵

白居易

雜興

宿紫閣山北村

和微之大背鳥

清夜琴興

琵琶引

採蓮曲

王昭君

歐陽詹

送袁秀才下第歸毗陵

聞鄰舍唱涼州有所思

同諸公過福先寺律院宣上人房

翫月詩

御溝新柳

鮑溶

采蓮曲

陳閏

宿北樂館

薛存誠

暮春自南臺丞再除給事中仍是本廳几
榻杖屨宛然如舊

楊巨源

楊花落

李正封

夏遊招隱暴雨晚晴

唐詩歸卷二十八目錄

終

古詩歸卷第二十八

景陵

鍾惺伯敬父

選定

譚元春友夏父

古吳劉穀典生父重訂

中唐四

劉禹錫

○團扇歌

團扇復團扇奉君清暑殿秋風入庭樹從此不相見
上有乘鸞女蒼蒼網蟲遍明年入懷袖別是機

中練

鈔云末語又作一
想更自難堪

唐詩歸

卷二十八

中唐四

○揮田歌

連州城下俯接村墟，偶登郡樓適有所感，遂書

其事爲俚歌以俟采詩者。

岡頭花草齊，燕子東西飛。田塍望如線，白水光參差。農婦白紵裙，農父綠簑衣。齊唱郢中歌，嘖嘖如竹枝。但聞怨響音，不辨俚語詞。時時一大笑，此必相嘲嗤。水平苗漠漠，煙火生虛落。黃犬往復還，赤雞鳴且啄。路傍誰家郎，烏帽衫袖長。自言上計吏，年幼離帝鄉。田夫語計吏，君家儂定記。一來長安道，眼大不相覩。計吏笑致辭，長安真大處。

鍾云誇得俚，俚

得妙省門高。軻我儂。入無度數。昨夜補衛士。惟用箇

竹布。君看二三年。我作官人去。譚云極真極儂

鍾云風土詩。必身致其地。始知其妙。然使

未至者讀之。茫然不曉何語。亦是口頭筆

下。不能運用之過。

○華山歌

洪鑪作高山。元氣鼓其橐。俄然神功就。鍾云就字

人一般峻拔在寥廓。靈跡露指爪。殺氣見稜角。凡木

不敢生。神僊聿來託。天資帝王宅。以我為關鑰。譚云

我者華山自我也。妙處難傳。能令下國人。不見換神骨。高山固

無限如此方爲嶽譚云許與不肯丈夫無特達雖貴猶碌

碌

鍾云唐人詩往往於結處補正意反傷詩氣如此却補得妙

鍾云大山水景事氣象俱少不得然專寫景事則纖專寫氣象亦泛須胸中筆下別有所領

○客有爲余話登天壇遇雨之狀因以賦之
清晨登天壇平路逢陰晦疾行穿雨過却立視雲
背白日照其上風雷走於內混濛雪海翻槎牙玉
山碎蛟龍露鬚鬣神鬼合變態萬狀互生滅百音
以繁會鍾云觀聽高寂俯觀羣動靜始覺天宇大山頂自

萬壑人聞已。霧霏豁然重。昏歛渙若春冰碎。反照
入松門。瀑流飛縞帶。遙光泛物色。餘韻吟天籟。洞
府撞仙鐘。村墟起夕靄。却見山下侶。已如迷世代。
問我何處來。我來雲雨外。鍾云。上字內字外字。皆以極確字而形出極幻之境。作記妙手。

鍾云。山水詩語有極壯幻驚人。而不免爲
後人開一蹊徑者。如日月照其上。風雷走
於內。等語是也。意以爲不如百音以繁會
遙光泛物色。雖無聲迹可尋。而實境所觸。
偶然得之。移動不去。久而更新耳。

○秋江早發

鍾云寄託高迴自是出世偉人

輕陰迎曉日。霞霽秋江明。草樹含遠思。襟懷有餘情。
凝睇萬象起。朗吟孤憤平。清鴻未矯翼。而我已遐征。
因思市朝人。方聽晨雞鳴。昏昏戀衾枕。安見天地英。
納爽耳目變。玩奇筋骨輕。滄洲有奇趣。浩然吾將行。

譚云後六句是遊仙最高妙語亦是感遇雜詩絕境

○有僧言羅浮寺因爲詩以寫之

君言羅浮上。容易見九垓。漸高元氣壯。洶湧來翼身。
夜宿最高峰。瞻望浩無鄰。海黑天宇曠。星辰來

逼人。是時當。騰魄陰。物恣騰。辰日光。吐鯨背。影
閒龍。鱗倏若萬馬馳。旌旗聳。齋渝。又如廣樂奏。金
石含悲辛。疑其有巨靈。怪物盡來賓。陰陽迭用事。
譚云大乃俾夜作晨。啾啾天雞鳴。扶桑色昕昕。赤
波千萬里。湧出黃金輪。下視生物息。罪如隙中塵。
臨雞仰甕口。亦謂雲漢津。世人信耳目。方寸度大
鈞。安知視聽外。怪愕不可陳。悠悠想大方。此乃恬
水濱。知小天地大。安能識其真。譚云齊
物妙旨。

○調湖州崔郎中見寄

風箏吟秋空。不肖指爪聲。

譚云超悟。○鍾云妙在
是說崔郎中寄詩。若直

作詠風筆則亦易盡矣。高人靈府間。律呂伴咸英。昔年與兄
遊。文似馬長卿。今來寄新詩。乃類陶淵明。磨礱老
益智。吟詠閒彌精。豈非山水鄉。蕩漾神機清。鍾云入律
器。風雲變。根。渚煙蕙蘭動。溪雨虹蜺生。馮君虛上
舍。待余乘興行。

棠池

潏潏幽壁下。深靜如無力。風起不成文。月來同一
色。地靈草木瘦。人遠煙霞逼。往往疑列仙。圍碁在
巖側。

○西山蘭若試茶歌

山僧後檐茶數叢，春來映竹抽新茸。宛然爲客點
衣起，自傍芳叢摘鷹觜。斯須炒成滿室香，便酌砌
下金沙水。驟雨松聲入鼎來，白雲滿盞花徘徊。悠
揚噴鼻宿醒散，清峭徹骨煩襟開。陽崖陰嶺各殊
氣，未若竹下莓苔地。炎帝雖嘗未解煎，桐君有錄
那知味。新牙連拳半未舒，自摘至煎俄傾餘。錦云
茶之
性情節候不出此
七字，只是一新。木蘭霑露香微似，瑤草臨波色
不如僧言靈味宜。幽寂采采翹英爲嘉客，不辭緘
封寄郡齋。甌井銅爐損標格。單云高
人之言何況蒙山顧渚春，白泥赤印走風塵。欲知花乳清冷味，須是眠

雲跂石人

○畫居池上亭獨吟

日午樹陰正。獨吟池上亭。靜看蜂教誨。閒想鶴儀形。鍾云教誨儀形妙在下字甚重又似不甚穩却又極趣法酒調神氣。清琴入性靈。浩然機已息。几杖復何銘。

○登陝州城北樓却寄京都親友

獨上百尺樓。目窮思亦愁。初日徧露草。野田光悠悠。塵息長道白。林清宿煙收。回首雲深處。永懷鄉舊游。

○歲夜詠懷

彌年不得意。新歲又如何。念昔同遊者。而今有幾多。以閒爲自在。將壽補蹉跎。鍾云達生之言春色無新故。幽居亦見過。

鍾云一篇只如一句。此謂淵永。

○秋中暑退贈樂天

暑服宜秋著。清琴入夜彈。人情皆向菊。風意欲摧蘭。歲稔貧心泰。天涼病體安。相逢取次第。却甚少年歡。

○○視刀環歌

鍾云詩作如是語。却妙在題。又是視刀環。

所以詩益覺深至

常恨言語淺不如人意深今朝兩相視脉脉百種心

○淮陰行

船頭大銅環摩挲光陣陣早晚便風來沙頭一眼認

鍾云極似六朝清商曲正以音響質直

○魏宮詞

日晚長秋簾外報空林歌舞在明朝添爐欲熱熏

衣麝憶得分時不忍燒

鍾云稍爲銅雀事免一好收場

元稹

鍾云看古人輕快詩。當另察其精神靜深處。如微之秋依靜處多。樂天清冷由木性。恬淡隨人心。曲罷秋夜深等句。元白本色。幾無尋處矣。然此乃元白詩所由出。與其所以可傳之本也。

○遣春

曉月籠雲影。鷺深餘霧中。暗芳飄露氣。輕寒生柳風。冉冉一趨府。未爲勞我躬。鍾云柔厚之句。因茲得晨起。但覺情興隆。鍾云隆字押得不響。

○其二

暄寒深淺春。紅日前後花。顏色詎相讓。生成良有涯。梅芳勿自早。菊秀勿自賒。各將一時意。終年無再華。

○解愁

微霜纔結露。翔鳩初變鷹。無乃天地意。使之行小懲。謂云至理。偶然常事。鴟鴞誠可惡。蔽日有高鵬。捨大以擒細。我心終不能。鍾云。傲世。

○遣病

秋依靜處多。况乃凌晨趣。深竹蟬。蒼苔。翠茸衫。曉。

露庭莎病看長林果閒知數何以強從時公門日
勞驚。

○○苦樂相倚曲

古來苦樂之相倚。近於掌上之十指。君心半夜猜
恨生。荆棘滿懷。天未明。漢成眼瞥。飛燕時。可憐斑
女恩已衰。未有因由。相決絕。猶得半年。佯暖熱。轉
將深意。諭旁人。緝綴疵瑕。遣潛說。一朝詔下。辭金
屋。班姬自痛。何倉卒。呼天俯地。將自明。不悟尋時
已銷骨。白首宮人前。再拜願將日月相輝解。苦樂
相尋。晝夜間。燈光那有天明在。主今被奪。心應苦。

妾奪深恩初爲主。欲知妾意恨主時。至今爲妾思
量取。班姬收淚抱妾身。我曾排擯無限人。

譚云深。於涉世。乃能寫得如此刻骨。君臣
朋友之間。誦之惕然。○鍾云世路平陂人
情倚伏。天道報應。借題發意。

○冬白紵

吳宮夜長宮漏款。簾幕四垂燈焰暖。西施自舞王
自管。雪芋翻翻鶴翎散。促節牽繁舞腰嬾。舞腰嬾
王罷飲。蓋覆西施。鳳花錦身作匡牀。臂爲枕。朝珮
縱縱。王晏寢。寢醒闌報門無事。子胥死後言爲諱。

近王之臣諭王意鍾云此一語寫君臣驕諂入微共笑越王窮慘
惴惴夜抱冰寒不睡

白居易

鍾云元白淺俚處皆不足爲病。正惡其太直耳。詩貴言其所欲言。非直之謂也。直則不必爲詩矣。又二人酬唱似惟恐一語或異。是其大病。所謂同調亦不在語語同也。今取其詞旨縕藉而能自出者。庶使人知真元白耳。

○雜興

楚王多內寵、傾國選嬪妃、又愛從禽樂、馳騁每相
隨、錦鞬臂花隼、羅袂控金羈、遂習宮中女、皆如馬
上兒、色禽合爲荒。譚云說得悚然刑政兩已衰、雲夢春仍
獵、章華夜不歸、東風二月天、春鴈正離離、美人挾
銀鏑、一發疊雙飛、飛鴻驚斷行、斂翅避蛾眉、君王
顧之笑、弓箭生光輝、迴眸語君曰、昔聞莊王時、有
一愚夫人。鍾云三字妙其名曰樊姬、不有此遊樂三載
斷鮮肥。譚云便止了、遂爲妙結

○宿紫閣山北村

晨遊紫閣峰、暮宿山下村、村老見予喜、爲予開一

樽、舉杯未及飲、暴卒來入門、紫衣挾刀斧、草草
餘人、奪我席上酒、掣我盤中餐、主人退後立、歛手
反如賓、中庭有奇樹、種來三十春、主人惜不得、持
斧斷其根、口稱采造家、身屬神策軍、主人慎勿語、
中尉正承恩、謹云樂
麻妙語

○和微之大觜鳥

鍾云寫到可笑可哭處、極痛極快、物無道
情、然風刺深、微之體索然矣、知此可與讀
元白詩、○譚云長篇中情事極真、朴委折
處、其法亦有自焦仲卿妻詩、及蔡琰五言

悲憤詞來者

鳥者種有二名同性不同。觜小者慈孝，觜大者貪。
庸觜大命又長，生來十餘冬。物老顏色變，頭毛白。
茸茸飛來庭樹上，初但驚兒童。老巫生奸計，與鳥
意潛通。諺云發奸云是非凡鳥遙見起，敬恭千歲
乃一出喜賀主人翁。鍾云聲口祥瑞來，白日神靈
占知風陰作，北斗使能為人吉。凶此鳥所止，家家
產日夜豐。上以致壽考，下可宜田農。主人富家子，
諺云三字妙老身老心童蒙。隨巫拜復祝，婦姑
亦相從。殺雞薦其肉，敬若禋六宗。鳥喜張大觜，飛

接在虛空鳥既飽。瓊腥巫亦饗甘濃。鳥巫互相利。
不復兩西東。日日營巢窟。稍稍近房櫳。雖生八九
子。誰辨其雌雄。羣雛又長成。衆觜逞殘兇。探巢吞
鷺卵。入簇啄蠶蟲。豈無乘秋隼。羈絆委高墉。但食
鳥殘肉。鍾云罵鷹隼妙妙無施搏擊功。亦有能言鸚。翅碧
觜距紅。暫曾說鳥罪。囚閉在深籠。青青牕前柳。鬱
鬱井上桐。貪鳥占棲息。慈鳥獨不容。慈鳥爾奚爲。
來往何憧憧。曉去先晨鼓。暮歸後昏鐘。辛苦塵土
間。飛啄禾黍叢。得食將母哺。饑腸不自充。主人憎
慈鳥。命子削彈弓。結繩會稽竹。丸鑄荆山銅。慈鳥

求母食飛下爾庭中數粒未入口一九已中胸仰
天號一聲似欲訴蒼穹反哺日未足非是惜微躬
誰能持此冤一為問化工胡然大觜烏竟得天年
終

○清夜琴興

月出烏棲盡寂然坐空林是時心境閒可以彈素
琴清冷繇木性恬淡隨人心鍾云三字深澹難了
反覺心積和平氣木應正始音響餘羣動息曲罷
多言秋夜深鍾云此句妙于上句正聲感元化天地清沈沈

○琵琶引

并序

元和十年予左遷九江郡司馬明年秋送客湓浦口聞舟中夜彈琵琶者聽其音鏗鏘然有京都聲問其人本長安娼女嘗學琵琶於穆曹二善才年長色衰委身爲賈人婦遂命酒使快彈數曲曲罷憫然自叙少小時歡樂事今漂淪憔悴轉徙於江湖間予出官二年恬然自安感斯人言是夕始覺有遷謫意

鍾云妙在真情不諱

因爲長句

歌以贈之凡六百一十二言命曰琵琶行

潯陽江頭夜送客楓葉荻花秋瑟瑟主人下馬客在船舉杯欲飲無管絃醉不成歡慘將別別時

茫江浸月。忽聞水上琵琶聲。主人忘歸客不發。尋
聲聞問彈者誰。琵琶聲停欲語遲。移船相近邀相
見。添酒回燈重開宴。千呼萬喚始出來。猶抱琵琶
半遮面。轉軸撥絃三兩聲。未成曲調先有情。絃絃
掩抑聲聲思。似訴平生不得志。低眉信手續續彈。
說盡心中無限事。輕攏慢撚撥復挑。初爲霓裳後
六么。大絃嘈嘈如急雨。小絃切切如私語。嘈嘈切
切雜雜彈。大珠小珠落玉盤。間關鶯語花底滑。幽
咽泉流水下灘。水泉冷澁絃凝絕。凝絕不通聲暫
歇。鍾云以此說曲
罷情理便深別有幽愁闇恨生。此時無聲勝

有聲銀餅乍破水漿迸鐵騎突出刀鎗鳴曲終收
撥當心畫四絃一聲如裂帛東船西舫悄無言唯
見江心秋月白沈吟放撥插絃中整頓衣裳起歛
容自言本是京城女家在蝦蟆陵下住十三學得
琵琶成名屬教坊第一部曲罷長教善才服妝成
每被秋娘妬五陵年少爭纏頭一曲紅綃不知數
鈿頭銀篦擊節碎血色羅裙翻酒污今年歡笑復
明年秋月春風等閒度弟走從軍阿姊死暮去朝
來顏色故門前冷落鞍馬稀老大嫁作商人婦鍾
喚醒人語不商人重利輕別離前月浮梁買茶去云
怕說得敗興

去來江口守空船，遶船明月江水寒。夜深忽夢少

年事，夢啼妝淚紅闌干。我聞琵琶已歎息，又聞此

語重唧唧，同是天涯淪落人，相逢何必曾相識。

鍾云

止此，外亦似。我曾去年辭帝京，謫居臥病潯陽城。

潯陽地僻無音樂，終歲不聞絲竹聲。住近湓江地

低濕，黃蘆苦竹遶宅生。其間旦暮聞何物，杜鵑啼

血猿哀鳴。春江花朝秋月夜，往往取酒還獨傾。豈

無山歌與村笛，嘔啞嘲哢難爲聽。今夜聞君琵琶

語，如聽仙樂耳暫明。莫辭更坐彈一曲，爲君翻作

琵琶行。感我此言良久立，却坐促絃絃轉急。淒淒

不似向前聲。滿座重聞皆掩泣。座中泣下誰最多。
江州司馬青衫濕。

○採蓮曲

菱葉縈波荷颭風。荷花深處小船通。逢郎欲語低
頭笑。碧玉搔頭落水中。

○王昭君

漢使却迴憑寄語。黃金何日贖蛾眉。君王若問妾
顏色。莫道不如宮裏時。

鍾云情婉而調直。

歐陽詹

○送袁秀才下第歸毘陵

鍾云高秀之極

羸馬出都門。修途指江東。關河昨夜雨。草木非春風。
諱云十字中思緒矢捨雖未中。璞全終待攻。層霄秋可翔。豈不隨高鴻。

○聞鄰舍唱涼州有所思

有善伊涼曲。離別在天涯。虛堂正相思。所妙發鄰家。
聲音雖類聞。形影終以遐。因之增遠懷。惆悵萬蒲花。
鍾云落

○同諸公過福先寺律院宣上人房

律座下朝講。畫門猶掩關。叨同靜者來。正值高雲
閒。鍾云閒適閒口寂爾方丈內。瑩然虛白間。千燈
智慧心。片玉清羸顏。松色落深井。竹陰寒小山。晤
言流曦晚。惆悵歸人寰。

○翫月詩 并序

月可翫。翫月古也。謝賦鮑詩。朏之庭前。亮之樓
中。皆翫也。貞元十二年。歐閩君子陳可封。在秦
寓於永崇里華陽觀。予與鄉故人安陽邵楚長。
濟南林蘊。潁川陳詡。亦旅長安。秋八月十五日
夜。詣陳之居。修厥翫事。鍾云鄭月之爲翫。冬則

繁霜太寒夏則蒸雲太熱雲蔽月霜侵人蔽與
侵俱害乎翫秋之于時後夏先冬八月之於秋
季始孟終十五於夜又月之中稽於天道則寒
暑均取於月數則蟾兔圓况埃壒不流太空悠
悠嬋娟徘徊桂華上浮升東林入西樓肌膚與
之疏涼神魂與之清冷四君子悅而相謂曰斯
古人所以爲翫也既得古人所翫之意宜襲古
人所翫之事乃作翫月詩

八月三五夕舊嘉蟾兔光斯從古人好共下今宵

堂

鍾云迂
同蕭灑

素魄皎孤凝芳輝紛四揚徘徊林上頭

泛灩天中央。皓露助流華。輕颺佐浮涼。清冷到肌骨。潔白盈衣裳。惜此苦宜翫。攬之非可將。含情願廣庭。願勿沈西方。

○御溝新柳

東風韶景至。垂柳御溝新。媚作千門秀。連爲一道春。柔莢生女指。嫩葉長龍鱗。舞絮迴青岸。翻煙拂綠蘋。王孫初命賞。楚客欲傷神。芳意堪相贈。一枝光遠人。

鍾云玉臺清妙語。

鮑溶

○采蓮曲

弄舟。揭來南塘。水蓮葉映身。摘蓮子。暑衣靜洗。鴛鴦喜。作浪舞花驚不起。殷勤護惜。纖纖指。水菱多熟。多新刺。

陳閏

○宿北樂館

欲眠不眠。夜深淺。

鍾云作態甚姝

越鳥一聲。空山遠。庭木

蕭蕭落葉時。溪聲雨聲。聽不辨。溪流潺潺。雨習習。燈影山光。滿牕入棟裏。不知渾是雲曉來。但覺衣

棠濕。

鍾云高峯森秀之結

薛存誠

○暮春自南臺丞再除給事中仍是本廳几榻
杖屨宛然如舊

再入青鎖闥添官誠自非

鍾云謙得妙

拂塵驚物在開

戶似僧歸積草漸無逕殘花猶瀝衣禁垣偏日近
行坐是恩輝

楊巨源

○楊花落

鍾云深情婉變而不露纖麗手脚○譚云

有靜思

北斗南迴春物老紅英落盡綠尚早韶風澹蕩無

唐詩歸
所依偏借垂楊作春好。此時可憐楊柳花。繁盈艷
曳滿人家。人家女兒出羅幙。靜掃玉除待花落。寶
環纖手捧更飛。翠羽輕裙承不著。歷歷垂瑟舞瑤
陳菲紅拂黛憐玉人。鍾云花憐人情便不同。東園桃李芳已
歇。獨有楊花嬌暮春。

李正封

○夏遊招隱暴雨晚晴

竹柏風雨過。蕭疎臺殿涼。石渠瀉奔溜。金剎照頽
陽。鶴飛巖煙碧。鹿鳴間草香。仙僧引清梵。幡蓋遶
迴廊。

終

唐詩歸卷第二十九目錄

中唐五

戴叔倫

南野

喜雨

女耕田行

過龍灣五王閣訪

友人不遇

潭州使院書情寄

江夏賀蘭副端

韓愈

猗蘭操

拘幽操

別鵠操

殘形操

剝啄行

秋懷詩四首

長安交遊者一首贈孟郊

出門

題炭谷湫祠堂

病鴟

夜歌

雉帶箭

送區弘南歸

記夢

柳宗元

南澗中題

中夜起望西園值

月上

田家詩三首

戲題石門長老東軒

裴度

中書郎事

中和節詔賜公卿

尺

呂溫

孟冬蒲津關河亭作

道州春遊歐陽家

林亭

道州弘道縣主簿

知縣三年頗著廉慎秋滿縣闕中使請
留將赴衡州題其廳事

道州感興

姚合

送邢郎中赴太原

送張宗原

街西居二首

石潭

買太湖石

送僧默然

秋中夜坐

陳羽

送殷華之洪州

春園卽事

朱長文

望中有懷

李觀

宿裴友書齋

朱放

剡谿行却寄新別者

徐凝

江中對月

令狐楚

遠別離

孟簡

擬古

唐詩歸卷第二十九目錄終

詩歸卷二十九

景陵

鍾惺伯敬

同選定

譚元春友夏

古吳劉敦典生父重校

中唐五

戴叔倫

○南野

治田長山下，引流坦溪曲。東山有遺塋，南野起新築。家世素業儒，子孫鄙食祿。鍾云五字說出耕讀人品格地步披雲朝出畊，帶月夜歸讀。身勸竟忘疲，團團欣在目。

野芳綠可採，泉美清可掬。茂樹延晚涼，早田候秋
熟。茶烹松火紅，酒吸荷杯綠。解佩臨清池，撫琴看
修竹。此懷誰與同，此樂君所獨。

○喜雨

閒居倦時燠，開軒俯平林。雷聲殷遙空，雲氣布層
陰。川上風雨來，灑然滌煩襟。田家共歡笑，溝澮亦
已深。團團聚隣曲，斗酒相與斟。樵歌野曲中，漁釣
滄江潯。蒼天暨有念，悠悠終我心。鍾云：二語古滄
之極，不免收其

全篇

女耕田行

乳鷺入巢，笋成竹。誰家二女種新穀，無人無牛，不及犁，持刀砍地翻作泥。自言家貧母年老，長兄從軍未娶嫂。去年災疫牛困空，截絹買刀都市中。頭巾掩面畏人識，以刀代牛誰與同。姊妹相攜心正苦，不見路人惟見土。疎通畦隴防亂年，整頓溝塍待時雨。日正南岡下餉歸，可憐朝雉擾驚飛。東隣西舍花發盡，共惜餘芳淚滿衣。

○過龍灣五王閣訪友人不遇

野橋秋水落江閣，暝煙微白日又欲。午高人猶未歸，青林依石塔。虛館靜柴扉，坐久思題字。翻憐柿

葉稀

○潭州使院書情寄江夏賀蘭副端

雲雨一瀟散。悠悠關復河。俱從汎舟役。近隔洞庭波。
春水去不盡。秋風今又過。鍾云無限感慨。不露出一情字。尤深。
因得相見却。恨寄書多。鍾云翻得無聊。

韓愈

鍾云唐文奇碎。而退之舂融。志在挽回。唐詩淹雅。而退之艱奧。意專出脫。詩文出一手。彼此猶不相襲。真持世特識也。至其樂府諷刺。寄託深婉。忠厚真正。風雅讀倚蘭。

拘幽等篇可見

○猗蘭操

孔子傷不逢作

蘭之猗猗。揚揚其香。不採而佩。於蘭何傷。

鍾云有品有識

之言。即所謂草木有本心。何求美人折也。今天之旋其曷爲然。我行四方。以日以年。雪霜貿貿。薺麥之茂。子如不傷。我不爾覲。薺麥之茂。薺麥之有。君子之傷。君子之守。

鍾云聲氣在漢魏上。

○拘幽操

文王姜里作

目窈窕兮其疾其盲耳肅肅兮聽不聞聲朝不日出今夜不見月與星有知無知兮爲死爲生嗚呼臣罪當誅今天王聖明

譚云從容悲惋

○別標

商陵穆子娶妻五年無子父母令其改娶其妻

聞之中夜悲嘯穆子感之而作

雄鵠銜枝來雌鵠啄泥歸鍾云便巢成不生子大

義當乖離譚云大義江漢水之大鵠身鳥之微鍾云

二語合來便是樂府更無相逢日且可繞樹相隨飛

○殘形操

曾子夢見一狸不見其首作

有獸維狸兮我夢得之其身孔明兮而頭不知。

鍾云吉凶何爲兮覺坐而思巫咸上天兮識者其誰。

○剝啄行

剝剝啄啄有客至門我不出門客去而噉從者語

我子胡爲然我不厭客困於語言欲不出納以堙

其源。鍾云空堂幽幽有積有莞門以兩板叢書於

間窅窅深塹其墉甚完彼寧可繫此不可干。鍾云

然亦無賴從者語我嗟子誠難子雖云爾其口益蕃我

唐詩歸

爲子謀有萬其全。今之人急名與官。謂云探本

以堙其源子不引去與爲波瀾。鍾云四雖不開口。謂

雖不開闕變化咀嚼有鬼有神。今去不勇其如後

艱我謝再拜汝無復云往追不及來不有年。

鍾云與程曉嘲熱客皆實歷苦境不得已

而寫出非一意絕俗嘲世之言而此詩末

一段真有以自處曉詩未暇及此

○秋懷詩

秋風日惻惻秋空日淒淒。上無枝上蜩下無盤中

蠅。豈不感時節耳目去所憎。鍾云孤爽峭清曉卷

性觸境吐出

書坐南山見高稜其下澄湫水有蛟寒可曾惜哉
不得往豈謂吾無能謂云直得妙

○其二

離離掛空悲感感抱虛警露泣秋樹高蟲弔寒夜
永鍾云弔字得秋夜之神歛退就新懦趨營悼前猛歸愚識
夷塗汲古得修綆名浮猶有耻味薄真自幸譚云聞道
言之庶幾遺悔尤卽此是幽屏

○其三

秋夜不可晨秋日苦易暗我無汲汲志何以有此
憾譚云說得可悲可笑鍾云二語似自安其實自掉寒雞空在樓缺月煩

屢嗽

譚云煩字妙

有琴且徽絃再鼓聽愈淡古聲久埋

滅無由見真濫低心逐時趨苦勉祇能暫

鍾云高入實歷

之有如乘風船一縱不可纜不如覩文字丹鉛事點勘豈必求贏餘所要石與甌

○其四

卷卷落地葉隨風走前軒鳴聲若有意顛倒相追

奔空堂黃昏暮我坐默不言童子自外至吹燈當

我前

鍾云寫出幽涼雅堪

問我我不應饋我我不餐退坐西

壁下讀詩盡數編作者非今士相去時已千其言

有感觸使我復悽酸顧謂汝童子置書且安眠丈

夫屬有念，事業無窮年。

○長安交遊者一首贈孟郊

長安交遊者，貧富各有徒。親朋相過時，亦各有以。娛陋室有文史，高門有笙竽。何能辨榮悴，且欲分

賢愚。

鍾云朝馬只須此三字。

○出門

長安百萬家，出門無所之。豈敢尚幽獨，與世實參差。古人雖已死，書上有其辭。鍾云朴妙似元結語。開卷讀且想，千載若相期。出門各有道，我道方未夷。且於此中息，天命不吾欺。譚云結得深至。

○題炭谷湫祠堂

鍾云艱與而帶靈氣。

萬生都陽明。幽暗鬼所寰。嗟龍獨何智。出入人鬼間。鍾云。此五字無真正奇。不知誰爲助。若執造化關。厭處平地水。巢居插天山。列峰若攢指。石孟仰環環。巨靈高其捧。保此一掬慳。森沉固舍蓄。本以儲陰奸。魚鼈蒙擁護。羣嬉傲天頑。翱翔棲託禽。飛飛一何閒。祠堂像侔真。擢玉紆煙鬟。羣恠儼伺候。恩威在其顏。我來日正中。悚惕思先還。寄立尺寸地。敢言來途艱。吁無吹毛刃。血此牛蹄殷。至令乘水

早鼓舞寡與鰥。林叢鎮冥冥。窮年無由刪妍英。雜
豔實。星瑣黃朱班。石級皆險滑。顛躋莫牽攀。龍區
雛衆碎。付與宿已頒。棄去可奈何。吾其死茅菅。

○病鴟

鍾云與樂天大背鳥。同一痛快盡情而規。
調稍嚴。然讀朱穆與劉伯宗絕交詩。此二
君不得不有世代升降之分矣。

屋東惡水溝。有鴟墮鳴悲。青泥拚兩翅。拍拍不得
離。譚云高得出。羣童叫相召。瓦礫爭先之。計校生平事。
殺却理亦宜。奪攘不愧耻。飽滿盤天嬉。晴日占光

景高風送，追隨遂凌紫鳳羣。肯顧鴻鵠卑，今者運
命窮。遭逢巧丸兒，中汝要害處。汝能不得施於吾，
乃何有不忍乘其危。巧汝將死命，浴以清水池。朝
餐輟魚肉，暝宿防狐狸。自知無以致蒙德，久猶疑
得命。鍾云：罵。飽入深竹叢，饑來傍階基。亮無責報心，固
以聽所爲。鍾云：語有身。昨日有氣力，飛跳弄藩籬。
今晨忽徑去，曾不報我知。僥倖非汝福，鍾云：待員。
厚道丁寧語。只。天衢汝休窺。京城事彈射，豎子豈
是白處甚高。易欺。勿諱泥坑辱，泥坑乃良規。

○夜歌

靜夜有清光。閒堂仍獨息。念身幸無恨。鍾云古極志氣方自得。樂哉何所憂。所憂非我力。譚云達

鍾云古直之氣從深靜出似魏武諸詩

○雉帶箭

原頭火燒靜兀兀。

鍾云此處乃背一靜字妙甚

野雉畏鷹出復

沒將軍欲以巧伏人盤馬彎弓惜不發。

譚云二語深不是尋

常引馬中人說往地形漸窄觀者多雉驚弓滿勁箭加衝

人決起百餘尺紅翎白鏃相傾斜將軍仰笑軍吏賀五色離披馬前墮。

○送區弘南歸

鍾云深文秘義似識似隱

穆昔南征軍不歸，蟲沙猿鶴伏以飛。洵洵洞庭莽

翠微，九疑鑱天荒是非。

鍾云三字如何合來

野有象犀水貝

璣分散百寶人士稀，我遷于南日周圍。來見者衆

莫依稀，爰有區子熒熒暉。觀以藝訓或從違，我念

前人譬封非，落以斧引以縑徽。雖有不逮驅騑騑，

或採于薄漁于磯。服役不辱言不譏，從我荊州來

京畿。離其母妻絕因依，嗟我道不能自肥。子雖勤

苦終何希，王都觀闕雙巍巍。騰蹋衆駿事鞍鞿，佩

服上色紫與緋。獨子之節可嗟唏，母附書至妻寄

衣開書折衣淚痕晞。雖不勑還情。庶幾朝暮盤羞。
惻庭闈。幽房無人感伊威。人生此難餘。可祈子去。
矣。時若發機。蜃沈海底氣。并霏彩雉野。伏朝扇聲。
處子。窈窕王所妃。苟有令德。隱不腓。况今天子。鋪
德威。蔽能者。誅薦受機。出送撫背。我涕揮。行行正
直慎。脂韋業成志。樹來頎頎。我當爲子言天扉。

○記夢

夜夢神官與我言。羅縠道妙角與根。挈攜陬維口。
瀾翻百二十刻須臾間。我聽其言未云足。捨我先
度橫山腹。我徒三人共追之一人前。度安不危。我

亦平行蹋蹴戲神完骨躋脚不掉側身上視溪谷
盲杖撞玉版聲彭舩神官見我開顏笑前對一人
壯非少石壇坡陀可坐臥我手承頰肘挂座隆樓
傑閣磊嵬高天風飄飄吹我過壯非少者哦七言

鍾云壯非少者四字雖是速費口語

六字常語一字難我以指撮白

玉丹行且咀嚥行誥盤口前截斷第二句綽虛顧

我顏不歡乃知仙人未賢聖護短憑愚邀我敬

馬世上雲得我能屈曲自世間安能從女巢神山

好訣大人柳宗元

○南淵中題

鍾云非不似陶只覺音調外不見一段寬然有餘處。

秋氣集南欄。獨游亭午時。颰風一蕭瑟。林影久參差。始至若有得。稍深遂忘疲。羈禽響幽谷。寒藻舞淪漪。去國竟已游。懷人淚空垂。孤生易爲感。失路少所宜。索寞竟何事。徘徊祇自知。誰爲後來者。當與此心期。

○中夜起望西園值月上

覺聞繁露墜。開戶臨西園。寒月上東嶺。泠泠疎竹根。石泉遠逾響。山鳥時一喧。倚檻遂至旦。寂寞將

何言

○田家

蓐食狗所務。驅牛向東阡。鷄鳴村巷白。夜色歸暮。
田札札。求租聲飛飛。來鳥勢竭。茲筋力事。持用窮。
歲年盡。輸助徭役。聊就空自眠。子孫日以長。世世。
還復然。鍾云結得味永。似富王田居諸作。

○其二

鍾云訴得靜益覺情苦

籬落隔煙火。農談四隣夕。庭際秋蟲鳴。疎麻方寂。
歷蠶絲盡。輸稅機杼空。倚壁里胥夜經過。雞黍事。

筵席各言官長峻文字多督責東鄉後租期車轂
陷泥澤公門少推恕鞭朴恣狼籍努力慎經營肌
膚真可惜迎新在此歲唯恐踵前跡

○其三

古道饒蒺藜榮迴古城曲蓼花被隄岸陂水寒更
淥是時收穫竟落日多樵牧風高榆柳疎霜重梨
棗熟行人迷去住野鳥競棲宿田翁笑相念昏黑
慎原陸今年幸少豐無厭饘與粥

○戲題石門長老東軒

鍾云穆然深朴似元道州七言歌

三字
禪機

石門長老身如夢。旃檀成林手所種。坐來念念非
昔人。萬徧蓮花爲誰用。如今七十自忘機。貪愛都
忘筋力微。莫向東軒春野望。花開日出雉皆飛。鍾云

裴度

○○中書卽事

有意効承平。無功答聖明。灰心緣忍事。

鍾云無此五字不能

作元

霜鬢爲論兵。道直身還在。

譚云太老何嘗無骨一味頑軟

深命轉輕。鹽梅非擬議。葵藿是平生。白日常懸照。

蒼蠅謾發聲。

鍾云並知

嵩陽舊田里。終使謝歸耕。

鍾雲端厚堅凝。居然元老有厚力而無鈍氣。

○中和節詔賜公卿尺

貞元八年宏詞

陽。和行慶。賜尺度及群公。荷寵承佳節。傾心立大中。短長思合製。遠近貴攸同。共仰裁成德。將酬分十功。作程施有政。垂範播無窮。願續南山壽。千春奉聖躬。

鍾雲端人之言。大臣之心。

呂溫

○孟冬蒲津關河亭作

息駕非窮途。未濟豈迷津。獨立大河上。北風來吹人。雪霜自茲始。鍾云三字警甚。感甚。草木當更新。嚴冬不肅殺。何以見陽春。

○道州春遊歐陽家林亭

道州城北歐陽家。去郭一里占煙霞。主人雖朴甚。鍾云又朴。又有思。安得此妙。主人莫將朴字看得容易。解留滿地紅桃花。桃花成泥不須掃。明朝更訪桃源老。政成興足則告歸。門前便是家。山道鍾云人知其趣。不知其老。

○道州弘道縣主簿知縣三年頗著廉慎秩滿
縣闕中使請留將赴衡州題其廳事
爲理賴同力陟明非所任廢田方墾草新柘未成
陰術淺功難就人疲感易深煩君駐歸棹與慰不
欺心

鍾云深直似張曲江

○道州感興

當代知文字。先皇記姓名。七年天下立。萬里海西
行。苦節終誰辨。勞生竟自輕。今朝流落處。瀟水遶
孤城。

姚合

○送那郎中赴太原

上將得良策。恩威作長城。如今并州北。不見有胡兵。晉野雨初足。汾河波亦清。所從古無比。意氣送君行。

鍾云亦以深朴勝。

○送張宗原

東門送客道。春色如死灰。一客失意行。十客顏色低。住者既無家。去者又非歸。鍾云此語甚苦窮愁一成疾。百藥不可治。子賢我且愚。命分不合齊。誰開塞噴

門。日。日。同。遊。栖。子。行。何。所。之。切。切。食。與。衣。誰。能。買。
仁。義。令。子。無。寒。饑。野。田。不。生。草。四。向。生。路。岐。士。人。
甚。商。賈。終。日。須。東。西。鴻。鴈。春。北。去。秋。風。復。南。飛。勉。
君。向。前。路。無。失。相。見。期。

○街西居

日出窮巷喜。溫然勝重衣。重衣豈不暖。所暖人不。
齊。兀兀復行行。不離階與墀。

○其二

丈夫非馬蹄。安得知路岐。窮賤殣茹薄。興與養性。
宜。乃知長生術。豪貴難得之。

○石潭

曉向潭上行。夕就潭邊宿。清冷無波瀾。澈澈魚相逐。釣翁坐不起。見我往來熟。

○買太湖石

我嘗遊太湖。愛石青嵯峨。波瀾取不得。自後長咨

嗟。奇哉賣石翁。

譚云以此一句爲作詩本。不傍豪

貴家。負石聽苦吟。

鍾云高人行徑。亦須略帶。雖貧

亦來過貴我。辨識精。取價復不多。

譚云千古好名。感知人情如此。

比之昔所見。珍怪頗更加。背面淙注痕。孔隙若琢

磨。水稱圭柔物。湖乃生壯波。或云此天生。嵌空亦

非他氣質偶不合。如地生江河。鍾云大置之書房
前。曉霧常紛羅。碧光入四隣。牆壁難蔽遮。客來謂
我宅。忽若巖之阿。

○送僧默然

出家侍母前。至孝自通禪。鍾云儒釋一家之言伏日江頭別
秋風檣下眠。鳥聲猿更促。石色樹相連。此路多如
此。師行亦有緣。

○秋中夜坐

疎散永無事。不眠常夜分。月中松露滴。風引鶴同
聞。鍾云同聞有理。有趣。引字尤微。

陳羽

○送殷華之洪州

離堂悲楚調，君奏豫章行。
愁深雪花白，夢中江水清。
扣船歌月露，避浪宿猿聲。
鍾云：幽極。還作經年別，相思湖草生。

○春園卽事

水隔草物外，鍾云：心曠。夜深風起蘋。
霜中千樹橘，月下五湖人。
聽鶴忽忘寢，見山如得隣。
明年還到此，共看洞庭春。

朱長文

○望中有懷

龍向洞中嘶雨出。鳥從花裏帶香飛。
譚云三字細極趣極。白雲斷處見明月。黃葉落時聞擣衣。

李觀

○宿裴友書齋

鍾云幽活澹永。

臥君山窓下。山鳥與我言。清風何颼颼。松栢中夜繁。久遊失歸趣。宿此似故園。林煙還近郊。谿月落古原。稚子不待曉。花間出柴門。

朱放

○剡谿行却寄新別者

潯溪寒溪上。自此成離別。迴首望歸人。移舟逢暮
雪。頻行識草樹。漸老傷年髮。惟有白雲心。爲向東
山月。

徐凝

一作劉長卿

○江中對月

空洲夕煙歛。望月秋江裏。歷歷沙上人。月中孤渡
水。

令狐楚

○遠別離

玳織鴛鴦履金裝羽翠簪畏人相問着不敢到城南

孟簡

○擬古

劍客不誇貌主人知取心但營纖毫義鍾云三字
誤才是漢
以後俠客
真面目肯計千萬金勇發看驚擊憤來聽虎吟
平生貴醕德刃敵無幽深

古詩歸卷二十九